

Nürnberg, 20. November 1570

Von Joachim Camerarius d. Ä.

Druck: Camerarius, Epistolae S. 490.

S. D. Adolescenti huic gentis Gotticae, quemadmodum doctiss[imus] V[ir] D. Caselius scribit, profecturo in Italiam, vt, si quid operaे nauare fortè possis, mea etiam caussa te facilem praebeas, abs te peto, qui erga omnes studiosos bonarum artium officiosus esse soles. Si adiuuare eum possis, vt commodos comites nanciscatur, erit hoc illi gratissimum. Caetera sunt communia officia benevolentiae et humanitatis. Accuratè commendatur hic nobis ab amicis, quo in conciliando eundem alijs nostris amicis diligentiores esse debemus. Cùm ad te haec scribo, significari D. Ioanni Baptistae Hencelio quoque summo nostro arbitror. Quem fac meo nomine salutes perquam studiosè. Imperatorem Spira reuertentem fortassis in Boëmiam hac transiturum perhibent. Sed narro tibi istic notissima. Ego in patria et hîc cùm obstantibus profectioni viarum salebris, tum quibusdam negotijs me detinentibus, nunc diutius duobus mensibus desideo, non magna cum voluptate, expectans et quaerens discessionis opportunitatem. Vale. Norimbergae. D[ie] 20. M[ensis] IXbris. 70.